

繆荃孫 鄧實 編

古
學
彙
刊

貳

廣陵書社



鄧實 繆荃孫 編

古學彙刊



廣陵書社

《古學彙刊》分冊目錄

第一冊

《發刊辭》		三
《序例》		七
《序目》		一一
《第一集總目》		一七
《書目提要》(一—六)		二一
《蜀石經校記》	繆荃孫	三七
《毛詩九穀考》	陳奐	一〇七
《國史儒林傳序錄》	繆荃孫	一三三
《三垣筆記》	《三垣筆記附識》 李清	一七七
《宋太宗實錄》		四五三
《西遼立國始末》	丁謙	五四七
《島夷誌略廣證》	沈曾植	五五五

第二冊

《仁恕堂筆記》	黎士弘	六三五
《永憲錄》	蕭爽齡	六五一
《元婚禮貢舉考》		六七一
《士禮居藏書題跋再續記》	黃丕烈	六九九
《清學部圖書館善本書目》	繆荃孫	七五三
《藏外經目》	李翊灼	一〇九七
《雲臺金石記》		一一二七
《翠墨園語》	王懿榮	一一四七
《陽羨摩厓紀錄》	吳騫	一一八七
《涪州石魚文字所見錄》	姚觀元	一二〇九
《上谷訪碑記》	鄧嘉緝	一二七五

第二冊

《陸麗京雪罪雲游記》	陸莘行	一二九三
《記桐城方戴兩家書案》		一三〇七
《金粟逸人逸事》	朱琰	一三二一

《越縵堂日記鈔》	李慈銘	一三三七
《蓬山密記》	高士奇	一四四七
《牧齋遺事》		一四五七
《吳兔牀日記》	吳騫	一四七三
《何蟬叟日記》	何紹基	一四八三
《鄭鄮事蹟》		一四九五
《羽琇山民逸事》		一五九五
《雲自在龕筆記》	繆荃孫	一六〇一
《二顧先生遺詩》	顧杲 顧綏	一七四三
《萬年少遺詩》	萬壽祺	一七八七
《今樂府》	吳炎 潘耒 章	一八〇三

第四冊

《章實齋文鈔》	章學誠	一九〇九
附錄：《古學彙刊》報告・廣告		二〇二九
《第二集總目》		二〇四七
《書目提要》（七一十二）		二〇五一
《讀詩日錄》	陳澧	二〇六七

《經典文字考異》 錢大昕 二〇八七

《海外慟哭記》 黃宗羲 二二〇三

《申范》 陳澧 二二四七

《徐籀莊年譜》 徐士燕 二三八三

《桂勝》 張鳴鳳 二三一九

《長溪瑣語》 謝肇淛 二四八九

第五冊

《潛采堂宋金元人集目》 朱彝尊 二五二一

《靜惕堂藏宋元人集目》 曹溶 二五七五

《庚子銷夏記校文》 何焯 二六〇五

《清學部圖書館方志目》 繆荃孫 二六三三

《金石餘論》 李遇孫 二八六七

《寶素室金石書畫編年錄》 釋六舟達受 二八七九

《金石學錄》 李遇孫 三〇一七

第六冊

《泰山石刻記》 孫星衍 三一一一

《纖言》	陸圻	三二二
《郭天錫日記》	郭昇	三二九
《玉几山房聽雨錄》	陳撰	三四三
《巾箱說》	金埴	三五四
《紀善錄》	杜瓊	三五九
《雲自在龕筆記》	繆荃孫	三六〇
《曲論》	何良俊	三六七
《靈谷紀游稿》	徐復祚	三六六
《竹垞老人晚年手牘》	朱彝尊	三六九
《亭林先生集外詩》	顧炎武	三八一
《棗林詩集》	談遷	三八九
《吾炙集小傳》	鄧實	三八〇
《跋》	鄧實	三八一
附錄：《古學彙刊》廣告		三八二

仁恕堂筆記

長汀黎士弘姚曾甫撰

康熙乙卯春予已拜分巡洮岷之命值河東變起當事復檄予攝理甘山顧茲淺才
恐乖措置記晉辛憲英語子羊琇曰軍旅之間可以濟者惟仁與恕因取以名其堂
庶勉思企及且志弘八千里外仰承慈訓猶斯也三月望日

歐陽公五代史四夷傳載自甘州涉磧磧無水載水以行甘州人教管使者作馬蹏
木澁木澁四竅馬蹄亦鑿四竅而綴之駝蹄則包以鞞皮始可行今甘州郭外卽黑
河自甘州九驛而達酒泉如甘之高臺肅之鎮犂種宜稻宜穰宜麻宜菽春夏之交
綠樹清泉潏洄衢路稻針覺雁阡陌遠游忘其爲塞上所謂載水鑿蹄事絕無之蓋
在趙宋時自抱罕以西地爲元夏其執筆者旣未親至其地而傳述者又不詳焉以
歐公一代史才而見聞有不能盡今車書萬里而予得親至其地且見古人之所不
見焉所謂士生三代後未始非幸也

仁恕堂筆記

甘州誌載萬厯三年修城至南面剷削垣牆有小木樁五百餘具形骸各長二尺餘男女衣冠貴賤老少一一可數極爲駭異或爲外域僬僥之類不應有五百樞之多博識者測爲前代厭鎮之術然或削木鑿石爲之何乃形骸儼具天下事理有不可知者真不知其幾

甘州人謂筆曰生活謂陝以東人曰豹子姊妹之夫曰挑擔異父之昆曰隔山名其子女多曰倉曰庫不慧之子曰瓜子殊不解所謂後讀唐書賀知章有子請名於上上曰可名爲孚知章久乃悟上諺之曰以慧故破孚字爲瓜子也則是瓜子之呼自唐以前卽有之矣

枸杞以甘州得名河以西遍地皆產不獨甘州有也惟涼州鎮番衛瞭江石獨佳瞭江石在邊外數百里爲番夷住牧地土人取之者率皆邀結數十人晝伏夜行采之不數掬卽返少留則恐番夷刼略也道遠而得之艱故獨貴乾者大如豆赤如朱卽常事貴人歲所得亦僅升合而止余曾兩見之眞奇種也近甘州王生迪簡家畜一

株曾摘生者百粒見貽大如指頭甘香之味沁人心脾七載窮邊得嘗美味蘇子瞻云日啖荔枝三百顆不妨長作嶺南民此固不足自慰耶枸杞根金光明經曰苦瓠附記此

前明典制甘肅一鎮歲用糧料六十九萬七千六百零草五百二十萬三千八百五十零又巡撫都御史楊公博區畫邊事疏內開載甘州一鎮歲合用糧一十三萬八千九百九十九石零料八萬八千五百九十五石零草二百八萬三千八百零今自裁兵之議下一歲所支糧料曾不滿十萬一線單微之路番夷在在宜防憂盛危明恐不當以減兵爲勝算也

河西月氏地故仍習俗尊事喇嘛僧其外國僧實未嘗一至此開學於彼而歸者則尊之云羅漢從其教者皆曰喇嘛又有弄子抱妻頑然肉食黃衫袒脊寒院填途大率無賴子及不謀衣食者充之官法呼之曰黃衫僧其參誦素食者舉國三四人而已曰青衣僧吞針羅什未見一人而連臂踏肩夥夥皆是亦怪也

甘州木屬多柳草之屬多馬蘭果之屬多杏多白榆多楸子白榆類蘋婆而小味亦差減楸花如海棠子酸土人取其肉爲果單糜泥澄濾薄如油紙南人不多識也惟雲楸乃堪作器非此種洮岷諸州始有之耳

邊人以畜牧爲富畜牛至數百蹄羊至萬蹄牛以耕羊則取皮毛利更侈不獨供食也惟羈牛不可耕專爲食備番夷多畜之且日落其乳刺其血以熬茶伴炒麵又不獨食其肉矣然率皆馴者考肘後經云馬曰羈牛曰宦羊曰羯猪曰闌雞曰斂狗曰善猫曰淨海篇謂古無羈字然後唐書載郭崇韜惡闌宦橫暴謂魏王繼岌曰他日殿下卽扇馬亦不可騎則羈之名舊矣

甘無魚鯽數寸間有之溪澗中無鱗者不可食嗅之作泥氣且暴下鄉堡中民有老死未經見魚者傳一悍婦數笞其夫他日夫偶持一魚至婦望見惶恐叩頭夫因給之若不改所爲且爲厲收若魂魄婦自失改過遂爲善良癸丑夏予遣役鄭璜伴兒事入都門見市蟹郭索滿筐鄭役惶怖睥睨不敢正視繼至五涼與客語其事有畫

士李印在座鄭曰是水裏大蜘蛛也那得不怕一座閨堂絕倒

漢郡張掖爲縣十曰牒得昭武刪丹氏池屋蘭日勒驪軒番和居延顯美內惟刪丹
卽今山丹餘皆不可考地誌固不詳且牒得日勒驪軒諸名率就番彙所名名之年
久音訛故應湮沒耳

魏明帝青龍元年張掖柳谷水溢湧寶石負圖狀似靈龜立於川西有石馬七及鳳
摩牛白虎犧璜玦八卦列宿孛彗之象又有文曰大討曹時魏以爲瑞頒示天下夫
旣謂大討曹不知當時何以稱瑞且魏晉纂繼事在中原與邊隅何與而朕兆乃先
見於此

度隴而西皆板屋渡河而西皆土屋立夏以後羣率嬖子棲宿簷端薄暮平明衾枕
爛列大率近邊沙磧多風少雨多雪少霜耕者不藉雨力四山經夏如新日烈雪消
而河滿渠滿矣記魏伐北涼崔浩折李順曰雪之銷釋僅能斂塵何能通渠灌漑雖
魏主卒用其策成功而情形殊不爾莊浪一帶每夏輒隕雹殺稼農家各醵錢供喇

嘛一僧謂能書符止雹或陰風纔布雲氣西流喇嘛輒望空指畫梵語喃喃雹不至
卽幸以爲己功土人皆呼雹曰硬雨予謂可對柔風次兒翰遠笑謂不如就土人語
對默風更爲警切記宋紹興十七年臨安雨雹太學屋瓦俱碎學官申請修蓋諱言
雨雹遂稱硬雨然則方言亦有所本

河西五涼遞起蒙遜則建都張掖數主皆能得士疑有一二篇章埋沒山谷搜之三
年無片石可語僅元夏一碑猶存亦絕不成文理今錄於左勅鎮甘郡境內黑水河
上下所有一切隱顯水土之主山神水神龍神樹神土地諸神等咸聽朕命昔賢覺
聖光菩薩震憫此河年年暴漲漂蕩人畜故以大慈悲興建此橋普令一切往返有
情咸免徒涉之患皆沾安濟之福斯誠利國便民之大端也朕昔已曾親臨此橋嘉
美覺賢興造之功仍罄虔懇躬祭汝諸神等自是之後水患頓息固知諸神冥歆朕
意陰加擁祐之所致也今朕再啓精虔幸冀汝等諸多靈神廓慈悲之心恢濟度之
德重加神力密運威靈庶幾水患永息橋道久長令此諸方有情俱蒙利益佑我邦

家則豈惟上合十方諸聖之心抑亦可副朕之弘願也諸神鑒之毋替朕命大夏乾佑七年歲次丙申九月二十五日立按丙申則宋徽宗大觀之六年也文雖不佳然書法頗極清挺諱今在龍王廟中

皮袋南中所無予至鞏間始見之割牛羊去其首空其中大者受一石小者受三五斗俗呼謂混沌意卽古之鴟夷然惟用以盛糧而已今大兵度蘭州浮梁阻絕將軍張公出新意聯十六袋爲一棧架木于上旁各用四袋爲飛帶如船之有槳每筏可渡馬五人二十平鋪草土穩如舟楫亦登壇冊中所當備考也漢載鄧訓發湟中卒六千令任尙將之渡河縫革爲船亦此類也

甘州極邊經歲無雷風則日夜有之郭定襄所謂山遠四時皆見雪地高經歲不聞雷也其風大者爲黃風更大者爲黑風黑風一起咫尺不辨人空中火光如電頗以爲畏後見施顯卿天文記云風爲陽氣本無形也惟風極盛則陽氣所聚極氣厚故有色可見而赤如火極明處則風必極盛然後知不讀書窮理不無多見少怪耳

春秋賽會各鄉事劉先主爲案神偶兩鄉爭道後先互闕於縣詞稱彼家劉備欺我家劉備予闕然大笑當堂書洛陽春一闕笑殺兩家劉備空爭閒氣一身且自不相容還要桃園結義多是小人生意有何干係輕輕十板各歸家還算縣官省事各朴其首事而遣之偶憶丹鉛雜錄載兩鄉各事觀音大士大鄉語小鄉者曰我大鄉觀音應稱姑汝小鄉觀音應稱姪女閱之捧腹鄉愚無知古今合轍

時與守邊將校談云守邊雖恃馬而取捷全在步兵西人以馬爲命一離馬則趨走便捷不如漢人決不敢下馬搏人凡遇敵五十步外步兵立定陣腳用強弓大炮一齊競發虜一騎倒則皆奔逸所謂敗不羞走也漢李廣遇虜急皆下馬解鞍不獨設疑亦取勝之道也

甘州隅西南有忠武王廟俗呼爲土主廟其封號不知所始舊碑爲西夏神其神羊首人面郡人事之甚謹前明定襄伯郭登鎮甘肅辨以爲丁甲之神謂丁未神號無比仁至真君故載羊頭冠偶讀西山海經云凡西次三經之首崇五口之山至於翼

望之山凡二十三山六千七百四十四里其神牀皆羊身人面其祠之禮用一吉玉瘞糈用稷米則土人呼爲土主頗爲有據惜當時見不及此

甘山署左爲度春堂固多隙地宜菜引水通池時其灌溉有葱有韭有芹有芥有胡葵有苜蓿有萊菔有枸杞有匏有瓠有茄有莧有赤根有紅白芍藥有扁豆有萱有葵葵土人不解食閏五月初七夜與兩兒及吳中吳米山宋又玉會食堂中命奴子摘而煮而流匙甘滑七箸爲空昔東坡在黃州與子過種菜半畝終年飽食爲作詩秋來霜露滿東園萊菔生兒芥有孫我與何曾同一飽不知何苦食口豚當斯絕塞天邊干戈密如麻竹猶得父子友生燒羊油燭說閒話飽噉菜飯侈矣哉天之相吾子也因筆記之他日亂定回里聚首丘園閒數往事取其日月而覆之豈非佳話

哈密在前朝爲衛雖屬要荒替襲皆隸兵部今則羈縻而已其入貢有期貢之屬爲馬爲玉非獨充廷實其意在携彼國之物貨中土茶布以歸利不賞也康熙十三年貢使過甘來謁予察其一二人色似通漢語者再三詰之則云原係熟回亂後還本

國且有妻在肅數年來一視之貢玉有重至六十斤者肅州河亦產玉人多取之爲器具形質較玉少粗其溫潤者亂真禹貢三危旣宅厥貢惟球琳琅玕孔穎達疏以爲琅玕似玉恐卽此也

古燉煌卽今瓜州沙州城去肅州九百里玉門關在肅州西九百里當時皆有亭障都護漢時張掖酒泉皆爲內地若老杜秦州雜詩遲迴度隴怯浩蕩及關愁久塞雲多斷續邊日少光輝其愁嘆若此不但視玉門關爲徼外卽甘肅已如絕域

晉末五涼呂光據姑臧卽今涼州乞伏據金城卽今蘭州蒙遜據張掖卽今甘州方圓不過二千里地當時各自立國俱有百職官司且史盛稱其宮室殿亭女謁賞資華靡之費且彼此用兵或至十萬二十萬又各屢月經年其財力必不能取資中土不知當時何所置辦歲康熙乙卯逆賊踞河東河西大帥進剿兵不滿三萬協濟之銀不至者僅數月而官司告匱運輸難於鬼工借貸幾於戶索古今不同如此

乙卯平涼變起逆據秦禁旅合圍者五閱月城中糧盡殺人而食時吾友寧波顏六